

唐  
文  
拾  
遺

唐文拾遺卷之六十九

榮祿大夫三品頂戴前分巡廣東高廉道加四級臣陸心源輯  
突厥可汗默啜

默啜骨咄祿可汗之弟天授初骨咄祿死子幼乃自立爲可汗開元四年討拔曳固爲其殘眾所殺傳首京師

移書

我可汗女當嫁天子兒武小姓罔冒爲婚我爲此起

兵欲取河北耳

唐會要  
九十四

吐蕃贊普棄宗弄讚

全唐文九百九十九有傳

致長孫無忌書

天子初卽位若臣下有不忠之心者當勒兵以往並  
獻金銀珠寶十五種請置太宗靈座之前

唐會要  
九十七

高麗國王王建

全唐文卷一千有傳

喻羣臣詔

朕慮諸道寇賊聞朕初卽位或搆邊患分遣單使重  
幣卑辭以示惠示之意

又

平壤古都荒廢雖久基址尙存而荆棘滋茂蕃人遊獵于其間因而侵掠邊邑爲害大矣宜徙民實之以固藩屏爲百世之利

待蕃人詔

北蕃之人人面獸心飢來飽去見利忘恥今雖服事向背無常宜令所過州鎮築館城外待之

定征賦詔

泰封主以民從欲惟事聚斂不遵舊制一頃之田租稅六碩置驛之戶賦絲三束遂使百姓輟耕廢織流亡相繼自今租稅征賦宜用天下通法以爲恆例

收百濟令

渠魁既已納款無犯吾赤子存問將士量才任用

東國

通鑑

高麗國王王金堯

金堯字天義麗王建次子晉開運三年立漢隱帝

乾祐二年卒在位凡四年謚曰定宗

按五代史作王武

褒獎王式廉詔

式廉三代元勳一邦柱石量吞海岳氣運風雲昨者  
當先王疾篤之秋是涇渭未分之際懷忠秉義表節  
歲寒翊戴眇冲嗣臨軍國尊有奸臣暴逆結構凶頑

忽自蕭牆俄興變亂卿玉入火而彌冷松冒雪以轉  
青按劒衝冠忘生徇難凶狂瓦解逆黨伏誅朝綱欲  
墜而復興宗社將傾而再整若非公之効死予曷致  
於今辰可謂板蕩識誠臣疾風知勁草昔聞斯語今  
見其人縱加萬石之封並授九州之牧豈足酬茲勲  
績報彼功名今賜匡國翊贊功臣號加大丞崇資將  
表予懷以旌不朽匪獨展君臣義分惟望共生死同  
期予不食言有如皎日更希予無忘責躬儉已公常  
務知足養廉愛育黎元賞罰平中使國祚而天長地  
久貽富貴於百子千孫

高麗  
史

庾黔弼

黔弼高麗平州人累官征西大將軍佐王建平新羅  
滅百濟數有功卒謚忠節

上高麗王王建書

臣雖負罪在貶聞甄萱侵我海鄉臣已選本島及包  
乙島丁壯以充軍隊又修戰艦以禦之願上勿憂東  
通鑑

崔彥撝

彥撝初名慎之本新羅慶州人少能文年十八游學  
入唐賓貢及第四十二始還國拜執事侍郎瑞書院

學士新羅亡高麗王建命爲太子師委以文翰之任  
官至翰林院令平章事後晉開運元年卒年七十七  
謚文英

有唐高麗國海州須彌山廣照寺故教謚真敞  
禪師寶月乘空之塔碑銘

昔者肉身菩薩惠可禪師每聞老生談天竺吾師夫  
子達摩大師乃總持之林苑不二之川澤也於是遠  
賁祖法口梁而又遊化魏朝往尋嵩岳非人不授始  
遇大弘因物表心付衣爲信猶亦優曇一現泊于五  
葉相承其道彌尊不令斷絕格於天鑒元學咸宗殊



見所生信衣斯止是故曹溪爲祖法水長流波口滔  
天浩浩猶魯公之政先奉文王康叔之風以尊周室  
則知當仁秀出者唯二曰讓曰思寔繁有徒蕃衍無  
極承其讓者大寂嗣其思者石頭石頭傳于藥山藥  
山傳于雲岩雲岩傳于洞山洞山傳于雲居雲居傳  
于大師傳法繼明燦乎本藉且曰大師法諱利嚴俗  
姓金氏其先雞林人也考其國史實皇漢之苗遠祖  
世道凌夷斯廬多難偶隨萍梗流落熊川父章深愛  
雲泉因寓富城之野故大師生於蘓秦相表多奇所  
以竹馬之年終無缺年十二往迦邪岬寺投德良法

師懇露所懷求爲師事自此半年之內三藏備探師  
謂曰儒室之顏生釋門之歡喜是知後生可畏於子  
驗之者矣則非久植宿因其孰能至於此然則母氏  
初於有娠夢神僧來寄青蓮永爲徵信則知絕塵合  
契懷曰同符中和六年受具足戒於本寺道堅律師  
旣而油鉢無傾浮囊不漏葉門記位不唯守夏之勤  
草繫懸心甯止終年之懇其後情深問道志在觀口  
結瓶下山飛錫汾海乾甯三年忽過入浙後崔藝熙  
大夫方將西泛侏蹟而西所以高懸雲飄遽超雪浪  
不銷數日得抵鄞江於時企聞雲居道膺大師禪門

之法允也不遠千里直詣元關大師謂曰曾別匪遙  
再逢何早師對云未曾親侍甯導復來大師默而許  
之潛愜元契所以服勤六載寒苦彌堅大師謂曰道  
不遠人人能宏道東山之旨不在他人法之中興唯  
我與汝吾道東矣念茲在茲師不勞圯上之期潛受  
法王之印以後嶺南河北巡禮其六宰堵波湖外江  
西遍參其諸善知識遂乃北遊恆岱無處不遊南抵  
衡廬無山不抵謁諸侯而獻刺投列國以觀風四遠  
參尋遍於吳漢迺於天祐八年乘查巨甯達於羅州  
之會津此際大師一自維舟偏宜捨筏珍重屏翳邈

迤東征爰有金海府知軍府事蘇公律熙選勝光山  
仍修堂宇傾誠願海請住煙霞桃李無言稻麻成列  
一栖真境四換周星大師雖心愛禪林遁世無悶而  
地連賊窟圖身莫安所以亂邦不居於是乎在十二  
年途出沙火得到遵岑永同郡南靈覺山北尊謀駐  
足乍此踟躕緇素聞風歸心者衆矣今上聞大師道  
高天下聲蓋海東想對龍頭頻飛鶴版大師謂衆曰  
居於率土者敢拒綸音儻遂朝天者須霑顧問付囑  
之故吾將赴都所以便逐皇□來儀帝壤上重光大  
業仰止高山所以修膏泰興請停慈蓋粵以明年二

月中特遣前侍中權說太相樸守文迎入舍郎內院  
虔請住持無何迺飭藥宮高敷蓮座待以師資之禮  
恭披鑽仰之儀猶如西域摩騰先陟漢皇之殿康居  
僧會始昇吳主之車遂以塵尾發揮龍顏欣悅其於  
瞻仰偏動宸襟此時魚水增歡不可同年而語哉他  
時乘閑之夕略詣禪扉問曰弟子恭對慈顏直申素  
懇今則國讐稍擾隣敵交侵猶似楚漢相持雄雌未  
決至於三紀常備二凶雖切好生漸深相殺寡人曾  
蒙佛誠暗發慈心恐遺玩寇之愆仍致危身之禍大  
師不辭萬里來化三韓救熬崑崗昌言有待對曰夫

道在心不在事法由己不由人且帝王與匹夫所修  
各異雖行軍旅且愍黎元何則王者以四海爲家萬  
民爲子不殺無辜之輩焉論有罪之徒所以諸善奉  
行是爲弘濟上乃撫机歎曰夫俗人迷於遠理預懼  
閻摩至如大師所言可與言天人之際矣所以救其  
死罪時緩虔劉憐我生靈出於塗炭此則大師之化  
也其後大師自栖京輦頻改歲時每以注目山川欲  
擇終焉之地隱霧之志懇到聞口天上上莫阻道情  
潛憂生別思惟良久久乃許焉大師臨別之間特披  
悲感云仁王宏誓護法爲心遙垂外護之恩永蓄蒼

生之福所以長興三年下教於開京西北海州之陽  
遽擇靈峰爲構精舍寺名廣照請以居之是日大師  
略領門徒就栖院宇學杯盈室禪客滿堂若融歸北  
海之居疑惠結東林之社所以誨人不勌如鏡忘疲  
其眾如麻其門如市然則不資分衛唯免在陳此乃  
官庄則分錫三庄供事則具頒四事況復近從當郡  
傍及隣州咸發深心並修淨行則知花惟薺蔔如投  
寶樹之園林是梅檀似赴菴蘿之會大師先來於踏  
地備自餘山師至魂交神來頂謁獻粢輸玉泉之供  
披誠指廬阜之居其爲神理歸依皆如此類大師謂

眾曰今歲法緣當盡○徑他方吾與大王曩有因緣  
今當際會須爲面訣以副心期便挈山裝旅臻輦下  
此時上躋驅龍旆問罪馬津大師病甚虛羸任特不  
得詣螭頭留語入雞足有期豈惟昔在竺乾迦葉別  
闍王之憾曾於華夏伯陽辭闕令之嗟而已矣哉明  
日肩輿到五龍山願使招諸弟子云佛有嚴誠汝曹  
勉旃清泰三年八月十七中夜順化於當寺法堂俗  
年六十有七僧臘四十有八于時日慘風悲雲愁水  
咽門下僧等不勝感慕俱切攀號以其月二十日奉  
遷神座於本山○千寺之西嶺去寺三百○雅奉遺



教也士庶闡川香華溢谷送終之盛前古所無者矣  
上乃旋在省方忽聞遷化爰切折梁之慟亦增亡鏡  
之悲自此特命親官遙申吊祭大師風神天假智惠  
日新生知而眾妙會心宿植而元機藏粹所以事惟  
善誘譚以微言引彼蒙泉歸於性海其奈山輝川媚  
秀氣難逃故始自光山終於口嶺可謂栖遲兩地各  
分韞匱之珍戾止三河俱示摩尼之寶者矣傳業弟  
子處光道忍貞肅慶崇並昇上足皆保傳心或早率  
尼父之悲或堅護卜商之業所憾寶塔雖聳洪銘未  
刊然則扣不朽之緣於在家弟子左丞相皇甫悌恭

前王子太相王儒前侍中太相李陟良廣評侍郎鄭承休俱早調夏鼎常艤殷舟誠仁國之金湯亦法城之牆塹與昭元大統教訓斷金相應深感法恩請贈大名以光禪教詔曰可故追謚真澈大師塔名寶月乘空之塢申命下臣式揚高躅彥撫才慙薦石學謝螢光以有限微才記無爲景行杳猶行海難甚緣山潛測高深莫知涯際爰有門徒元照上人夙傳金口親奉玉音因趣龜文數臨蝸舍所以得於無得聞所未聞譬涼月之遊空如猛風之掃靄唯以敷陳厚旨齊贊成功所冀翠碣披文感國主亡師之憾豐碑相

質嗟門人絕學之愁言莫愼諸直書其事銘曰

禪宗之元代代堂堂人中師子世上法王元關闢闢  
覺路津梁遠從天竺來化海邦偉矣吾師生于遼左  
何陋之有豈論夷夏冰姿雪膚言說溫雅乘查兮雪  
浪中問道兮雲居下命之入室仍以傳心栖遲道樹  
偃仰禪林口津近棹忽遇知音便昇金殿欽仰殊深  
卜地海壖曹溪接武唯我導師謂之慈父忽歎泥洹  
天收法雨贈謚兮感法恩流慈兮光禪宇清泰四年  
十月二十日立

有晉高麗中原府故開天山淨土寺教謚法鏡

大師慈鑑之塔碑銘

并序

原夫曉月遐昇照雪於四方之外春風廣被揚塵於  
千嶺之旁然則木星著明散發生之元霧青暈迴耀  
浮芳序之法雲或浮色凝寒或陽和解凍聚此太平  
之美激于離日之暉所以二氣相承三光助化可謂  
麗天之影明望所宗此則宏之在言拾此於寶嘗試  
論之尺璧非寶亡羊則唯貴寸陰宏珠是珍罔象則  
眞探秋露故知儒風則詩惟三百老教則經乃五千  
孔譚仁義之源聃演元虛之理然而雖念忘口敢言  
得理此則域中之教方內之譚曷若正覺道成知一

心之可得真如性淨在三際之非殊故知燥慧六通  
不生不滅疑情三昧無取無行蓋因方便之門猶認  
秘微之義事情善誘心在真宗然而至道希夷匪稱  
謂之能鑒元宗杲邈非名言之所鈐於是各守一隅  
難通三返筌蹄之外慧業所資而又雖渴鹿趣炎謂  
至清池之畔盲龜游沼猶逢浮水之中則知法本不  
生因生起見見其可取法則常如然則淨零法雨之  
滋便清熱惱虔謁微塵之眾俄濟迷流菩提涅槃法  
性常往用此莊嚴佛土成就眾度生天人教菩薩方  
思妙用可謂周勤然則昔者如來爲五比丘說三乘

教化緣已畢。每以遷儀臨涅槃之時。以無上法。秘密傳迦葉。流布世間。日護念勤修。無令斷絕。自大迦葉得其法眼。付屬阿難。祖祖相傳。心心共保。爰有應真菩薩。同覺大師。惠口中。非人不授。至唐承襲者。竊惟六人。摩傳可。可傳璨。璨傳信。信傳忍。忍傳能。能其後。分而爲二。其一曰讓。其一曰思。其下昭昭。此則何述焉。泊于像末。逾益澆訛。大道云喪。微言且絕。則非探奇上士。契理真人。何以一匡頹俗。再口法輪。必有涉進元鄉。心行靜處。時時出代。有其人者焉。大師法諱元暉。俗姓李氏。其先周朝閼德柱史。逃榮苦縣。

地靈如有猶龍之聖郡鄉天寶昔聞歎鳳之君故言  
匪魯司寇無以知之者也遠祖初自聖唐遠征遼左  
從軍到此苦役忘歸今爲全州南原人也父諱德順  
尤明老易雅好琴詩當白駒棲谷之時是鳴鶴在陰  
之處高尚其事素無宦情母傅氏假寐之時須臾得  
夢阿姿布施證鳩摩羅馱之祥聖善因緣呈鶴勒夜  
郝之瑞歿賢智爾唯我亦然況又在孕之時十有三  
月免懷之際元正伍時以乾符六年孟陬之朔誕生  
大師生有聖姿幼無兒戲行惟合掌坐乃趺跏畫塲  
堆砂必模像塔分食汲水須給蟲魚然則因覩牛垵

冀游鰲壑潛辭塵世實欲出家間於二親志切且慊  
父母謂曰今思前夢宛若同符始覺曩因猶如合契  
汝前佛所度汝亦度之任你東西早登佛位導師慈  
父便是其人所以永遂離塵等山陟嶺東西獲投靈  
覺山寺謁深光大師傾蓋如新忻然自得追念東山  
之法實謂得人倍切歡娛甯知昏旭闡揚吾道不在  
他人所以仰惟祖宗仍是崇嚴之子猶認先系亦爲  
麻谷之孫也足見聖道所傳曹溪爲祖代代相契至  
于大師所以來自江西派於海左海隅聖住天下無  
雙於是許口探元殷勤學佛不出蓮宇常住草堂大



師實勞我心談不容口後生可畏其德維新自非宿  
植善芽生知靈性其孰能至於此乾甯五年受具於  
伽邪山寺旣而戒珠更淨油盎彌堅修善逝之禪靈  
臺不動契文殊之慧照境無口演三藏之文解行相  
應闡四分之律勤修兩存所以問詰絕命吐言尊道  
口不談俗身猶蘊真然則窮理在三體元含式必能  
興仁壽域拯物阽危此時雖聖運三千而難期百六  
火辰照地金虎司方此際風聞南在武州此中安處  
可能避難修保殘生所以大師與同侶十一人行道  
茫茫至于其所果然羣黎翕集所在康甯然則竊承

南海多有招隄實堪駐足不久住於彼處謂云何以  
棲遲者爲焉居無何忽遇綠林潛侵元室便爲卻剝  
俱煞同行訖次至大師師臨白刃而神色怡然志青  
雲而目光瑩尔唯悚懼自若從容魁首觀其風度怡  
怡語聲切切投劒羅拜請師事焉至於豺狼革心寇  
賊知禮譬如元奘三藏拋西域之爲牲慧忠大師免  
南陽之遇禍夫先聖之遭難也如彼我大師之化人  
也若斯萬里同風其歸一揆大師其後謂曰終居此  
地必滯前程天祐三年獨行汾海尋遇乘槎之者請  
以俱西以此寓載凌洋達于彼岸邈迤西上行道遲

遲路出東陽經過彭澤遂至九峯山下虔謁道乾大  
師廣庭望座膜拜方半大師問曰闍梨頭白對曰元  
暉目不知闍梨自己爲什勿不知對曰自己頭不白  
追思別汝稍似無多甯期此中更以相遇所喜昇堂觀  
奧入室參禪纔留一句密付心要受茲元契如瀉德  
餅若備中和易直之心而得升降周旋之節於義爲  
非義於人爲半人恭惟世間出世間皆歸佛性體無  
分別俱會一乘所以一托松門十經槐律獨提餅錫  
四遠參熒境之幽兮往遊山之秀兮留駐所以天台  
仰異地境觀風嶺外擔登虔禮祖師之塔湖南負笈

遠投禪伯之居其後況復北抵幽燕西臻瑯琊或假  
迂諸道或偷路百城以此偶到四明忽逢三島只賁  
音信至自東方竊承本國祁山霧收漸海波息皆銷  
外難再致中興迺於同光二年來歸舊國國人相慶  
歡響動天可謂交趾珠還趙邦璧返唯知優曇一現  
摩勒重榮上乃特遣使臣奉迎郊外寵榮之盛冠絕  
當時翌日延入九重降於三等虔心鑽仰待以國師  
大師披霧之時頻搖塵尾上乃望風之際甚悅龍顏  
所以大師語路風流言泉境絕得所無得元之又元  
忽聽元譚盡去煩襟之悶仍承雅況終懷瑩慮之規

然則大師曰羣緣體無眾法歸一若靈藥毒草同在  
林中甘泉淤泥共生泉下能令分別不有迷之上事  
佛精勤深求親近仍于中州淨土蘭若請以住持大  
師自此纔涉滄溟每思幽谷捨茲奚適適我願兮於  
是便挈山裝尋凌漢廣悠悠竊嶺往以居之境地偏  
佳山泉甚美當州聞風而悅詣者百千大師暫駐慈  
軒尋鋪禪榻四方來者皆滿茅堂森若稻麻誨之不  
倦所以先難後獲霧集雲歸大師誘引學流敷陳宗  
旨理妙詞簡幾深義精六度之龜麟人天之海嶽也  
爰有佐丞劉權說者殷傅說之流也於國忠臣在家

弟子鑽仰尼父必同顏氏之徒服膺釋迦須並阿難之類特趁禪境敬禮慈顏便申避席之儀深展摠衣之懇其後下國之賢求仁所聚中原之士慕德成羣祇奉儀形者白蓮開於眼界敬聞言說者甘露降□心源然則可謂主僧子天君法兄曰禪林御衆開道入天子之軒寶樹居尊施澆季法王之化者也而又知上法易行上法難修上法易證上法難或問萬行皆空云何故行對曰本無苦樂妄習爲因眾生妄除我苦隨盡更於何處猶覓菩提然則朝廷士流銜命來往路出中府終年幾萬弋之流忙於王事不踐門

闕以爲大羞若及虔謁禪關仰承一盼每聞曉誨如  
洗朝饑及其撞鐘大鳴入海同味觀法無本觀心不  
生惟最上乘止於中道涼風旣至百實皆成汝能惣  
持吾亦隨喜由是無上覺路分爲此宗大師謂大眾  
曰曾修香火之因於大王殿下永言付囑虔託王臣  
所以老僧忍病趨風貪程就日冀於一訣不在宅求  
以此卽到上都親申誠懇上答曰漚由國興誠不虛  
語實願大師安心道念久護生靈弟子牆塹法城金  
湯祇樹大師對曰菩薩宏誓上乘發言護法爲心流  
慈是務正應如是今窺聖朝又問修行功用遠近當

殊答曰滴水下巖卽知朝海又問了信相信先曾暗  
同爭奈童蒙如何勸發曰兒喉旣開乳母奚爲夫金  
韞於山則山稱寶嶽珠藏於水則水號珍川其道念  
茲亦同於此此情何已俱在前言此際宴坐禪牀經  
行慧苑演心法元元之語論性根切切之譚然則眞  
空無象實際絕言豈惟慧日光沈方感泥洹之早慈  
雲色歛忽牽滅度之悲而已矣哉天福六年十一月  
二十六日詰旦告門人曰去留有期來往無住於焉  
示化所在如然汝勉旃奉行遺誠不隳宗旨以報吾  
恩也未示滅之前夕弟子問和尚欲去付囑何人師



曰鐙鐙自有童子點問彼童子如何示展日星布青天裏於中卽得知言竟坐滅俗年六十有三僧臘四十有一于時雲日慘淒風泉鳴咽山川震動鳥獸悲號諸天唱言人無眼目列郡含憾世且空虛天人感傷斷可知矣聖感靈應豈誣也哉弟子闕行等三百餘人號奉以其月二十八日窆于北峯之陽遵像教也臨終之際奉表告辭云老僧不遂素懷永辭聖代矣上乃披覽皇情悼焉乃贈謚曰法鏡大師塔名慈鐙之塔則知尊師之道悼然追遠之儀賅矣於是乎在莫之與京惟大師惟岳降靈哲人生世敷揚釋教

闡示禪宗然則爲物現生憂人宏道貌和言寡饑至  
飽歸所以心樹花鮮法流水淨月明江闊木落山高  
故能簷蔔神香醍醐勝味正道無說權機有言由是  
四方施捨之緣歸於大眾一世有無之屬瞻彼窮人  
然則可謂問道楞迦尋師印度求深斷臂志切傳心  
遂使人國歸仁實助帝王之化千門入善偏霑黎庶  
之心下臣忽捧芝泥令修螯白臣才非吞鳥學謝聚  
螢強措菲詞式揚禪德所冀垂于不朽永示無窮國  
主追哀鳳喙彰亡師之慟門人感慕龜文表絕學之  
悲銘曰

懿歟大覺慙我羣生休飲炎水莫起化城色則非色  
名惟假名知惟真實試是慧明悼哉至□麻谷孫子  
具體則圓猶如顏氏道冠憐鷹慈超救蟻□悟真宗  
潛傳閤旨紹隆三寶□接四依元情乘運妙用息機  
智流激爽心□知歸聞取未聞得其無得法無去來  
宗判南北靡見聖心誰尊禪德佛戒恆行師言不忒  
心傳靈器道贊聖朝化被羣惑威摧眾妖初從宴坐  
屢赴嘉招惟思惟慮匪斲匪雕服煖縱廣食甘禪悅  
大君感傷眞宰思渴唯喜學人並無中輟

高麗國彌智山菩提寺故教謚大鏡大師元機

之塔碑銘 并序

釋氏之宗其來久矣伽譚日甚聖道天開然則八萬  
度門重光三昧莊嚴佛土成就眾生最後涅槃之時  
付囑之故獨以法眼授於飲光迦葉奉以周旋別行  
於世至於鞠多偏能守護彌闡斯宗旨擊道存不勞  
口舌不可以多聞識不可以博達知爰有達摩從此  
來儀本求付法惠可傾誠雪立契以傳心其後法水  
東流慈雲普覆由是漕溪之下首出其門者曰讓曰  
思思之嗣遷遷之嗣徹徹之嗣晟晟之嗣价价之嗣  
膺膺之嗣大師故其補處相懸見諸本籍人能口道

此之謂歟且曰大師法諱麗嚴俗姓金氏其先雞林人也遠祖出於華胄蕃衍王城其後隨宦西征從居藍浦父思義追攀祖德五柳逃名母樸氏嘗以晝眠得其殊夢驚覺而靈光滿室未幾而娠大師焉生而能言弱不好弄年登九歲志切離塵父母不阻所求便令削染往無量壽寺投住宗法師初讀雜華屢經槐柳所貴半年誦百千偈一日敵三十夫廣明元年始具大戒其於守夏草繫如囚然而漸認教宗覺非眞實傾心元境寓目寶林此時西向望嵩嚴山遠聞有善知識忽攜瓶錫潛往依焉廣宗大師始見初來

方聞所志許爲入室數換星霜光啟三年冬大師寂滅其後不遠千里邇迤來行至於靈覺山中虔謁深光和尚是大師師兄長老也早蘊摩戾人中師子以爲崇嚴之嗣學者咸宗然則桃李成蹊其門如市朝三暮四虛往實歸大師師事殷勤服膺數歲由是擲守株之志拋緣木之心挈瓶下山公其西海乘查之客邂逅相逢託足而西遄凌巨霤珍重夷洲之浪直衝禹穴之煙此時江表假途次於洪府行行西上禮見雲居大師謂曰戲別匪遙相逢於此運斤之際猶喜子來吾師問義不休爲仁由己屢經星紀寒苦彌

堅已抵驪困得認探珠之契仍登鳥徑方諧採玉之符大師雖則觀空豈口忘本忽念歸歟之詠潛含暮矣之愁欲別禪旣先陳血懇大師謂曰飛鳴在彼且莫因循所冀敷演真宗以光吾道保持法要知在汝曹可謂龍躍天池鶴歸日域其於來往不失其時以此傳大覺之心佩雲居之印重超鯨水再至鯤岑此時天佑六年七月達于武州之昇平此際捨筏東征抵于月嶽難謀宴坐不奈多虞窺世路以含酸顧人間而飲憾雖攀依水石而漸近煙塵路出奈靈行臻佳境望彌峯而隱霧投小伯以栖霞爰有知基州諸

軍事上國康公萱寶樹欽風禪林慕道竊承大師遠  
辭危國來到樂郊因傾蓋以祗迎每攝齊而問訊歸  
依禪德倍感元風知是鳴鶴在陰眾鷄相應白雲扶  
日佳氣表祥東望之時頻窺靈瑞甯踰數日謹具聞  
天今上聞大師道冠中華名高兩地遽飛鳳筆徵赴  
龍墀越一年欵出巖扃來儀玉輦上忽披離日情在  
下風鑽仰之深異於他等蕭武之尊崇釋教不可同  
年而語哉中間覽自歸山重修遺址不久特令貴使  
虔請入朝於是難拒芝泥再昇蘭殿披雲之際奉對  
龍顏曰國富民安不讓於骨庭之境堯仁舜德唯侔



於華夏之朝上對曰三五之時太平之運寡人虛薄  
何以當之仍念故山去京猶遠捨菩提寺請以住持  
此際深感聖恩往而停駕其寺也山川勝美志有終  
焉所以從善之徒不呼而集誨人不勑諄誘孜孜有  
入問大師酌盡清流時如何師答盡後事作摩生對  
曰豈同清流者大師乃許之以同光七年十一月二  
十八日示疾明年二月十七日善化於法堂春秋六  
十有九僧臘五十于時日慘風悲雲愁水咽天人痛  
口道俗摧傷况又紺馬騰空青鳥卜地歸寂之瑞前  
古罕聞上歎聽泥洹潛增慟哭特令吊贈禮重國師

門人僧等以其月十九日共舉靈龕入于□之西隅  
三百餘步傳業弟子融闡昕政等五百來人恭敘遺  
德表以上聞謚曰大鏡大師塔名元機之塔噫大師  
璞玉呈祥渾金演慶志無抵俗言卜山機終身有布  
衲之名後世欽緼袍之譽遊方施化赴國觀光然則  
楚問江萍便引童謠之答齊諮海棗方徵國語之訓  
其爲時所歸依皆如此類也此際他山之石未勒高  
文所以門徒每度傷心莫窺墮淚所憾泊于入滅首  
尾十春下臣頃歲幸謁堯堦仍居董茔蓬飄風急桂  
老霜沈豈期捧瑤檢於□□銘石墳於蓮宇叨因代

斷恐貽傷手之憂實類編苦甘受解頤之誚雖羸窮  
故實莫測高深而聊著斯文纔陳梗槩強搖柔翰深  
愧斐然銘曰

□□立教迦葉傳心東山之法遠邇雞林幾經年代  
來抵鼇溥雲居之子雷振法音天福四年歲次己未  
四月十五日立

唐文拾遺卷之七十

榮祿大夫三品頂戴前分巡廣東高廉道加四級臣陸心源輯

崔彥撫二

高麗國溟州普賢山地藏禪院故國師朗圓大

師悟眞之塔碑銘

原夫鷲頭巖上世雄開立教之宗雞足山中迦葉表傳心之旨則知認於三佛知有心王觀空而其道希夷見性而本源清淨繇是西從天竺東屆海隅至人則早縮眞宗禪伯則曾尋元契騷壑探珠謂傳黃帝之珠鵲溪口印如得法王之印於是徇虛失實遐劫

而久滯凡間捐妄歸真剎那而俄登佛位大師諱開  
清俗姓金氏辰韓雞林人也其先東溟冠族本國宗  
枝祖守貞蘭省爲郎柏臺作吏考有車宦遊康郡早  
諧避地之心流寓喙鄉終□朝天之志母復寶魂交  
之夕忽得休祥神僧欵自空來立於堦下懷裏出木  
金雙印示之曰何者要之母氏脈脈無言其僧卽留  
金印而去覺後方知有娠因斷暈□肅設仁祠虔修  
佛事以大中八年四月十五日誕生大師面如滿月  
脣似紅蓮纔有童心靜無兒戲八歲而初爲鼓篋十  
年而暗效橫經廿羅入仕之年□窮儒典子晉昇仙

之歲才冠孔門此時特啟所天懇求入道謂曰潛思  
前夢宛若同符愛而許之難拒先度是以卽爲負□  
□以擔書旣□浮海之囊遂□□泥之髮尋師於華  
嚴山寺問道於正行法師法師知此歸心許令駐足  
其於師事備盡素誠志翫雜華求栖祇樹高山仰止  
備探鷺嶺之宗學海栖遲勤覽猴池之旨大中末年  
受具足戒於康州嚴川寺官壇旣而忍苦尸羅忘勞  
草繫傷鴨之慈心愈切護鵝之愍念□深守夏□闌  
卻歸本寺再探眾典以導羣迷超懽喜之多聞邁顏  
生之好學此時遠聞蓬島中有錦山乘盃而歛涉鼇

波飛錫而尋投鹿苑栖禪之際偶覽藏經披玉軸一  
音得金口三昧十

缺五字

正覺之心三歲滄松冀證菩

提之果勤參之際忽有老人瞻仰之中翻爲禪客粲  
然發玉皓爾垂口謂大師宜亟傍窮途先尋口嶺彼  
有乘時大士出世神人悟楞伽寶月之心知印度諸  
天口性大師不遠千里行至五臺謁通曉大師大師曰來  
何暮矣待汝多時因見趨庭便令入室心深求法禮  
事師口一栖道樹之旁幾改階蓂之序所以始傳心  
印常保髻珠不出巖口口栖雲水大師年德皆至耄  
期不任極倦誨人無疲口客教禪師事同法口勤接

來徒牛頭添上妙之香塵尾代元譚之柄可謂猶如  
洪州大寂地藏□誘□之門有若魯國宣尼子夏代  
師資之道者矣文德二年夏大師歸寂和尚墨□增  
絕學之悲恆切忘師之憾所以敬修寶塔遽立豐碑  
兼以常守松門幾遭草寇詰遮洞裏惟深護法之懷  
堅操汀邊志助栖禪之懇爰有當門募法弟子閔規  
闕食欽風志慕道情深早侍禪扉頻申勤款仍捨普  
賢山寺請以住持大師對曰深感檀那有緣則住遂  
巡施入便副禪襟廣□邱原遐邇道路又以高修殿  
塔迥啟門牆來者如雲納之似海深喜吉祥之地慧



月當軒共依功德之林慈雲覆室亦有知當州軍州  
事太匡王公荀息鳳毛演慶龍額呈祥趨理窟以探  
奇詣禪山而仰異人中師子扣山陰翫月之門天上  
騏驎投剡縣栖霞之舍本國景哀大王間大師德高  
天下名重海東憾闕迎門庭中避席仍遣中使崔映  
高飛鳳詔遠詣鴛廬請扶王道之危仍表國師之禮  
此際太匡齊攜僚佐直赴禪門共陳列賀□儀皆羣  
黎之慶況後隣州比縣典郡居官冠□柱石道  
有大  
師此時暫移慈蓋來至郡城□州師勤王讚邑人之  
奉佛  
有缺□南止觀長流福慧之泉嶺外言歸仰見清

涼之月纔臻舊隱忽患微痾漸□危虛潛知去矣以  
同光八年秋九月二十四日示滅於普賢山寺法堂  
俗年九十有六僧臘七十有二于時山崩海竭地裂  
溪枯道俗悲哀人天感慟門人不勝追慕國士徒切  
憾嗟其月二十八日號奉色身假緇于當寺西峯石  
室去寺三百來步大師功成億劫德值千年神通則  
龍樹推□變化則馬鳴讓美故得紹興三寶降伏四  
魔道情早冠於鐙蘭心路曾超於安遠所以欲出迷  
迭挾慧炬於□衢之畔將超彼岸巖慈航於苦海之  
中可謂智慧無昇神心叵量一切之導師生人之先

覺者矣上足弟子神鏡聰靜越鼎奩言惠如明然弘  
琳禪師等俱栖慧苑共守禪局思法乳以年深想慈  
顏而口遠切恐鯨池灰起先憂陵谷之遷鯨海塵飛  
忽憾歲年之往所冀記大師之言說遠示無窮流吾  
道之祖宗傳於不朽由是門徒抗表頻扣金門眾懇  
聞天達於玉宸今上聖文世出神武天口三驅而克  
定三韓一舉而齊成一統今則高懸金鏡普照青邱  
所以振恤黎民已致中興之運歸像釋氏皆披外護  
之恩以此錫謚曰朗圓大師塔名悟真之塔申命下  
臣式揚高躅彥摛詞林末學繁苑微臣叨奉綸言仰

銘禪德譚劉琨之山高海闊盧湛焉知美郭泰之龍  
聖龜神蔡邕不愧重宣前義乃作銘云

奧哉正覺利見迦維傳心鷲嶺立教猴池爰有至人  
生于海裔□山尊師讚傳元契賢岫□眾顯示真宗  
高懸法鏡迴掛洪鐘方忻宴坐忽歎歸滅日慘雲愁  
天翻地裂大君悲咽門下感傷鐙傳□巘塔聳雲崗  
天福五年七月三十日立

晉高麗先覺大師遍光靈塔碑

蓋佛陀出世鷲嶺開利物之門迦葉□□雞足闔歸  
全之□□□□軋去聖身毒懷仁傷鶴樹之昇遐矣

龍華之□□□悵□□□隱其風漸衰豈謂祖祖傳  
心當具體而微之侶師師接踵有高山仰止之流至  
於圓覺深仁遠居南海大宏願德曾□□山□□之  
心諧於郢匠一蓮啟處六葉重光門徒□上之□□  
□在雲居之□人能弘道保□祖宗惟我大師則其  
人也大師法諱迥微俗姓崔氏其先博陵冠蓋雄府  
棟梁奉使雞林流恩□郡所以棲心雲水寓跡海壖  
今爲武州□□人□□□權早閑莊老□愛琴書私  
□□招隱之篇蕭寺□空門之友母金氏魂交之夕  
忽得休徵見胡僧入房擎玉案爲寄歎焉驚覺尋報

藁砧答云必生懷寶之兒先告弄璋之慶□後□□  
室□每有燈輝之□□子之□□證定光之瑞以咸  
通五年四月十日誕生大師生有殊相幼無雜交洎  
乎志學之年潛蘊辭家之念此時忽垂雙淚虔告二  
親曰切欲去塵投其□□父母□□□志惟許缺五字  
爲山莫恆□□遂乃斜登歧□直詣寶林謁體鐙禪  
師禪師法盾相承陳田子孫也和尙雖云一見便□  
□之□曰昔別稍遙今來何暮許□□室□□□茲  
敬□禪宗缺入字傾油鉢□□於救蟻沙彌勤苦增勞  
不離左右至於中和二年受具戒於華嚴寺官壇大

師

缺六字

安坐白虹之氣來覆法堂

是

缺十

道知在

人戒珠敢虧草係之心尤保尸羅之律及其夏

往度山禮見融堅長今僧陳

缺五

何

上追思北海之中所以論傳中霄長

缺九

黃法盍雲披雲藥山采藥老僧恨不隨他西

笑問徑上游祖塔於曹溪

缺十

莎莫以因循時不待

人曷維其已門屬遠從冈象

缺十

鏡于青丘

之畔泊于大順二年春首忽遇入

缺十

朝使車託足

而西達于彼岸維舟鏡水指路鍾企道膺

大師先佛

缺十

之兆寶公付囑之心行道遲遲遠經

二字缺十大師若披皇覺大師謂曰吾子歸矣早知汝來

□□曰升堂□其□□所喜者□□室家之美□□

禪教之宗由是觀與幽局探玄理參尋缺二十豈惟

迦維演阿難之獨步釋門闕里談經顏子之□□□

室而已矣哉景福三年覃州節帥馬公□節度副使

金公翼聞風欽仰拂霧敬缺十請□□居其爲時所

瞻依皆如此類也迺於天祐二年缺十此時知州□

□王公池本籍承大師纔諧捨筏已抵平津□地□

之攀缺十慈□每以趨塵如窺慧日常于四事遠假

天廚實展缺五仍以缺四無爲岬寺請以住持大師



惟命是聽徙居靈境此寺也林泉

缺十

地然則重修

基址八換星霜來者如雲納之似海

缺五

此時

於□□年亂甚於曹劉之代上無聖主猶鋪猖聚

之徒下□□事莫□□之難

缺七

如□四海沸騰

三韓騷擾至九年八月前王永平北

缺十

舳艫親驅

軍駕此時羅歸命屯軍于浦嶼之旁武府遶鱗動眾

於郊畿之

缺十

大王聞大師近從吳越新到秦韓匿

牟尼於海隅藏□□於

缺五

飛丹詔遽屈道竿大師

捧到奔波趨風猛浪親窺虎翼暗縮龍頭僧□□鑄

吳□轉明之

缺四

無以加也其後班師之際持請同

歸信宿之間臻于彼岸遂缺十供給之資出于內庫

所恨羣字□伏眾病莫除唯奉法以栖真缺六今□禍

者缺四枉殺無辜而乃遭艱者填其雲屯同歸有罪

然則□□道□敢悛□□之□□□仁慈寧止赫連

之暴况又永言移國唯喝喫人□謂多缺四信以十

字缺六日大王驟飛鳳筆令赴龍庭冀聞絕跡之譚猶

□□言之理大師服缺四主上鶚立當軒難測端倪

失於舉措豈思就日玄高之復□□君無缺七遭偽

□是□謂業對將至因緣靡逃兼崔皓懷奸缺八大

師曰吾師人間慈父世上導師何有存非不無彼此

大師方知禍急因遲危

缺七字

嬰呂僕之謀仁者懷恩

盜廁商□之惡然而壹言不納遷□以加捨□之時

世□□緣俗年五十有四僧臘三十有五于時川池

忽竭日月無光導俗吞聲人天變色□誨秦原

缺七字

之□□漢室龍興當今居尊之際謂羣臣曰竊惟故

大師道□□十地德□□遠出□方來儀樂土寘

人早披瞻仰恭□歸依願思有得之緣常切亡師之

痛仍於雨泣實□□追□□俾修□□至明年

三月日遂召門弟子開俊化白等曰□□之

缺五字

昭此山也山岡勝美地脈平安宜為置冢之踞必

□尊宗之祐可師等與□□且□修山寺尋造石塔  
者至其日月先起仁祠便成高塔塔成師等號奉身  
遷葬於所建之冢詔曰式旌禪德宜賜嘉名賜諡爲  
先覺大師塔名爲遍光靈塔仍賜其寺額勅號太安  
追遠之榮缺四字之□□□下臣謬因宦學叨□樞機  
薛潤色於仙才謝知言於哲匠先是王室獻賦金榜  
題名何期降紫泥於華門銘黃絹于蓮宇所冀強搖  
柔翰申大君崇法之由聊著鮮文慰門下送終之懇  
銘曰

粵哉靈境□□□禪□□爲□道情是兵卽色非色

惟名假名雖云方便祇爲眾生爰有僧英□□禪伯  
能使魔軍克歸□□雨中稻麻霜後松柏須拜昌言  
難欺雅□動惟佛事翻被人□眞衰俗成法弱缺六字  
令終道光無□遺跡師舊芳□德于茲傳□□不朽  
神足傷心缺四塔字劫頻移天長地久開運三年  
歲次丙午五月庚寅朔二十九日戊午立

孫紹

紹高麗人官本國大相守禮賓令元鳳令兼知制誥  
上柱國

唐高麗大安寺廣慈禪師碑銘

若夫擎虛發響苟應就悟之能取實藏聲豈是處迷  
之術門縱闊而不可得進□雖明而難以獲逾至理  
在中守株者無定見□眞宗□外窺管者莫以缺四  
生之法器是以運開一千里子始遇聖明厯周五萬  
星霜再逢賢哲或□□□而□出或蘊□以挺生自  
古既稀至今爲貴□全□□卽缺七大師法諱允多  
字法性京師人也其祖考等皆族盛簪綴以傳孝義  
家記而□□缺四寵耳口聞之其妣朴氏受性溫和  
爲人眞潔自幼□□於俗□長□□勤修佛事迨其岳  
降分挽等閑由孝感而易爲若霜□之疾是以咸通

五年四月五日誕生大師初放蓮葉之日雙柱絕倫  
將辟穢祿之年三亭轉□□遊而□定有方禮度而  
顛沛無墜扇枕之令譽早表鄉閭追灰之捷詞夙馳  
遐邇春秋材當八歲有志三歸遽告二親願別蝸門  
要投禪教□父母□爲□□前猶足紫紵未能允許  
大師潛然日出家修道利□□無負饒□子之錦衣  
定□山僧之毳衲哀鳴□□至告再三琮認盛情固  
難法□□時一說而□辟步而雲遊四海□駐惟伴  
孤影炎涼倏歷數年□□迴跋涉于遼東迤邐□後  
桐裏參覲和尚□頤相面目顧盼容數日後侍奉上

缺四字

古語心專石也穿志切泉俄涌道非身外卽佛

在 心 宿 昔 智 覺 于 刹 那 □ □ 之 帶 在 萬 劫 如 來 况 論

爲 精 □ 則 再 語 爲 □ □ □ 略 言 汝 身 好 看 心 □ 吾 缺四

字 於 晝 宵 網 □ 心 於 瞬 息 不 戶 不 牖 是 大 道 不 崑 不

□ □ 神 缺十 法 祖 □ 西 堂 傳 於 徹 徹 傳 於 先 師 如 如

傳 於 吾 師 卽 西 堂 曾 孫 也 大 師 傳 法 □ 於 西 堂 却 不

勞 西 缺四 於 缺二十 實 際 本 空 學 無 學 □ 宗 □ □ 祇

夜 師 無 師 之 □ 必 藉 □ 多 遂 □ 弄 一 心 者 大 信 一 音

□ 九 □ 者 海 水 業 □ 多 方 便 爲 門 □ 野 不 忘 其 故 邦

歸 故 山 纔 經 □ 宵 忽 有 山 賊 入 寺 擬 劫 衣 物 直 到 上



方大師還而無墜不動禪座被□大師自□罪缺七

數見此模□□既思惟知作夢有一戰場入於殿內

見勿宅邪七□□座□是量忍兩字而已睡覺缺四

鹽缺八白日狐疑□不料清宵蝶夢成古表有言一

忍得長□哉大師因此永獲安禪久居僧寺缺八黃

波□如而洞達禪源缺四然□門慕義投仁雲趨霧

聚參禪學道虛屈□梗狼煙往□□于沙門裨□

□終無於王□來□對□神聖大王來時□望主問

代明□□安邦撫□之□恐□行脚何妨師缺四九

重大師□□僧由成□即佛心是如何大師答曰若

到□設者不留於佛心

缺五字

雖得必得□相今□答

云六祖意不欲□觸道然師語□了道□慧亦□去  
也若是戒夫繁托□□□今祖□大王威齊兩曜講  
□而□道叶乾坤德秀瞳治民而□無□□而又歸  
依□□□具於□抑無禪有用於□□義云□古□  
大師在日黃州院□王旭郎君遙仰□風樂傳尺牘  
比爲弟子□□猶□之風每展八行之禮仍爲檀越  
久受保於各效陳雷允□舊分大師至開運□分無  
□今焚香略今□淹然而逝俗歲八十二僧臘六十  
六於是溜流號慟嘆津梁之已壞□□咨嗟□法□

卷十一  
三  
□□永□至於□潺湲澗水變作衰□□年悅目之  
巖巖山雲皆成慘色感動蠢植毫楮焉周遂以其時  
□止論□伏乞從許樹豐碑者爰命微臣延揚禪化  
□才非七步學昧五車□哉開士子達眞筌法門杳  
杳至理元元化符海外道冠日邊雲歸深澗月落澄  
淵波濶□□平等缺十字雞山缺下光德二年歲次庚戌  
十月十五日

李靈幹

靈幹高麗人事蹟無考

高麗三川寺大智國師碑

高

殘缺

智國市

殘缺

兆爻

殘缺

傾

缺

質

缺

嚮若

缺

宰頁

殘缺

恆

缺

須才遂

缺

夕符

缺

摘華

缺

皮皆實

殘缺

且

缺

后

殘缺

碑陰記

上

麗國大茲

殘缺

寺

缺

勇

殘缺

真卽覺悟

缺

古抄箕揚不

二

缺

罔記海墨難書

缺

人也

高曾已來

缺

於郡邑天

福七

缺

毀齒言欲

殘缺

咸

缺

投寶

缺

或壯飾

缺

中

缺

勿

缺

殘缺

化

缺

衰之一

缺

救蟻護州

缺

族將一

缺

宗之

幽

缺

込長者

缺

目

殘缺

覺樹

缺

元

缺

茂

殘缺

卜之亭

殘缺

缺

又大行

六夕

殘缺

闕名

有晉高麗國踊巖山五龍寺故王師教謚法鏡

大師普照慧光之塔碑銘

并序

蓋聞鷲嶺開宗標立教無爲之化雞山入定止傳心  
有待之風或先□微言或始□善□所以別行法眼深  
□全軀無非□□仰呈雪立之誠唯知道存方駐雲  
遊之志所以英靈間出□□相承其道日新適<sub>缺</sub>下  
人<sub>缺</sub>也<sub>缺</sub>有人大師法諱慶猷俗姓張氏其先南陽  
冠族大漢宗枝□祖偶□鯨波來栖兎郡父□榮□  
知禮□侍□詩□老□道□守道奉公終身從事母  
孟氏嘗於假寐忽得禎祥驚覺之時□知有娠常□

淨人便斷葷宰以咸通十二年四月十一日誕生

四缺

字

之年五行俱下子晉昇仙之歲三刻便成其後志

切離塵心求□□而□□父母□□宗師二親囑曰

莫以因□苦□以此□歸寂滅豕子□宗長老部署

門徒不出松門頻經槐律此際大師年纔十五志冠

□所願令削染許於入室猶賸迎門光啟四年受具

於近度寺靈宗律師□瑩戒徒□□歸室問一知十

德成教尊然則

缺

兎之時所以挈瓶出門飛錫遵路

所

缺

因待朝天之使偶逢泛葉之時西南得朋□迺

□過大師虔陳素

缺

湯

缺

遄達西津此時華亭繫舟

桂苑尋徑望東林之佳境瞻北渚之樂郊□企問雲

道膺和尚道冠缺功高缺逝缺之缺人缺迥微麗

嚴利嚴共海東謂之四無畏大士也和尙曰聞言識

士見面知人萬里同□十年一遇所以四海賢情深

遐席缺切缺□以後缺答□之契暗詣目擊之符於

是潛付慈鑑密傳法要遂曰吾道衰矣慶猷一人起

予者商於是乎在所謂廣宏佛道何□□之□遐濟

禪缺力何假他心□觀此門本離文字每思心境終

拂客塵慙彼偏方迷於得理好佩雲□之印期□日

域之流是則真宰缺人勞止忘其缺周應□返魯缺

於天祐□年七月達于武州之會津此時兵戎滿地

賊寇滔天式鍾所尸四郊

缺愚缺

大師來藏□穴遠

近煙

缺逢缺

□衝水媚當大溟曠月之□玉透山輝

是深洞聞風之處先王直從北發專重南征□地□

行逃天者少待老草介□詣□祥戶奉□令大師歛

聆帝命留滯王程及其方到柳營便邀蘭殿留連再

三付囑重疊寮人□迴德旆旆□鳳儀大師難□□

輿繪

缺則

□觀藏經仍窺僧史宋武平敞覺賢遂附

鳳之誠隋史省方法□膺從龍之□一心重瀟千載

同待豈期神

缺傾缺

以始墜

缺子缺

凶翻刻忠貞之



佐凌夷之漸寶冠夏殷此時共憾獨夫潛思明立無  
何羣凶竟起是秦□鹿死之三大□皆銷唯漠室龍  
□之施今上西鍾定議北極居尊懸聖日於棗津掃  
□塵於□海忽聞大師之窺惠日聽元風□浪垂杯  
中華問道上乃□以達□尤深量海而欽承愈切每  
迴稽首恭申捨瑟之儀常以鞠躬猥□摳衣之禮所  
以屢祈警誡更切□依□以王師助君臨之□子太  
弟太匡王信便取摩納袈裟式領鍤石盞盃一口上  
乃登時適捧跪獻大師然則敬佛之心尊師之道元  
親奉僧祠之月人間缺爲缺如斯之盛者也然則栖

遲奈苑宴坐蓮口來者如雲納之似海稻麻有列猶

如長者之園桃李成蹊亦若他人之市貞明口口三

月口予

缺

仍聳刀戰之聲則是來迎之騎示滅于日

月寺法堂俗年五十有一僧臘三十有三于時天昏

地裂霧口雲愁山禽悲號野口懷至明年正月十九

日遷神座於踊巖山之東峯去寺三百來步惟大師

天資心氣岳降英靈深口而眾

缺

四魔冠薰修於三

覺超應化於尊如況又曾聽玉音夙傳金口可謂禪

山蘊

缺

資

缺

之風

缺

之

缺

奉聖心恭承汲引之善正

受流傳之旨上迺仍飛丹詔以慰門人曰懿彼口法

□爲一國□父今則剗用報法恩正當追福之辰宜  
舉易名之典乃賜謚曰法鏡塔名普照慧光申命下  
臣式楊□烈缺而不缺率缺音缺復莫尋荆岫之高  
所以聊缺期文雖集慶缺之缺直書其□憾非雅麗  
之工其詞曰

傳矣吾龜氏堂堂到處春可畏囊中寶咩知席上珍  
倬哉元□立生我海東濱缺曹溪缺祖塔缺日缺君

王重捨瑟宰輔屢書紳學徒探法□來者結良因宴  
坐方江目泥洹忽傷缺寶外缺天福九年歲甲辰五

月壬申朔十九日戊子立

成忠

忠前百濟時官佐平王義慈淫樂忠極諫王怒囚之  
不食死獄中

獄中上書

忠臣死不忘君願一言而死臣嘗觀時察變必有兵  
革之事凡用兵必審擇地勢處上流以應敵可以保  
全敵兵若來使陸不過炭峴水不入白江據險隘禦  
之然後可也

東國通鑑

福信

福信前百濟宗室爵佐平百濟亡起兵立故王子扶

餘豐爲王自稱霜岑將軍

遷避城議

此州柔者遠隔田畝土地磽确非農桑之地是拒戰之場此焉久處民可飢饉今可遷於避城避城者西北帶以古連且徑之水東南據深渥巨堰之防繚以周田決渠降雨華實之毛則三韓之上腴焉衣食之源則二儀之隩區矣雖曰地卑豈不遷歟

日本書紀卷二十七

觀勒

百濟僧事蹟無考

上日本王請赦僧尼奏

夫佛法自西國至于漢經三百歲乃傳之至於百濟國而僅一百年矣然我王聞日本天皇之賢哲而貢上佛像及內典未滿百歲故當今時以僧尼未習法律輒犯惡逆是以諸僧尼惶懼以不知所如仰願其除惡逆者以外僧悉赦而勿罪是大功德也

日本書紀

### 後百濟王子神劒

神劒甄萱子幽其父于金山佛宇自稱王甄萱降高麗高麗兵討滅之

### 赦境內教

如意特蒙寵愛惠帝得以爲君建成濫處元良太宗

作而卽位天命不易神器有歸恭惟大王神武超倫  
英謀冠古生丁衰季自任經綸徇地三韓復邦百濟  
廓清塗炭而黎元安集鼓舞風雷而邇遐駿奔功業  
幾於重興智慮忽其一失幼子鐘愛奸臣弄權導大  
君於晉惠之昏陷慈父於獻公之惑擬以大寶授之  
頑童所幸者上帝降衷君子改過命我元子尹茲一  
邦願非震長之才豈有臨君之智兢兢慄慄若蹈冰  
淵宜推不次之恩以示惟新之政

東國通鑑

鐵勒諸部十一姓

鐵勒本匈奴別種貞觀二十年旣破延陀太宗幸靈

州鐵勒迴鶻拔野古同羅僕骨多濫葛思結阿跌契丹  
奚渾斛薩等十一姓各遣使朝貢降璽書勞其酋長  
乞置漢官奏

延陀可汗不事大國暴虐無道不能與奴等爲主人  
自死敗部落鳥散不知所之奴等各有分地不能逐  
延陀去歸命天子願賜哀憐乞置漢官司養育奴等

唐會要  
卷一百